



Amt für Migration und Zivilrecht Graubünden

Uffizi da migraziun e da dretg civil dal Grischun

Ufficio della migrazione e del diritto civile dei Grigioni

## Fegl d'infurmaziun davart las enconuschientschas linguisticas

### Pretensiuns

Persunas estras che vulan laschar sa natiralisar en il chantun Grischun, ston cumprovar ch'ellas san communitgar en ina da las linguas chantunalas. Pretendidas vegnan cumpetenzas linguisticas sin il nivel da referenza B1 a bucca ed A2 en scrit da la norma europeica communabla per las linguas (NEC).

Las enconuschientschas lingiusticas en rumantsch pon vegnir cumprovadas u en ün idiom (putèr, surmiran, survilvan, sutsilvan e vallader) u en rumantsch grischun.

### Furniziun da la cumprova

#### a) senza test lingiustic

La cumprova davart las enconuschientschas linguisticas necessarias vala sco furnida, sche la petenta u il petent

- discurra e scriva ina lingua chantunala sco lingua materna,
- ha frequentà durant almain 5 onns la scola obligatorica en ina lingua chantunala u
- ha terminà ina scolaziun sin il stgalim secundar II (emprendissadi) u sin il stgalim terziar (p.ex. scola auta spezialisada u universitad) en ina da las linguas numnadas.

La frequentaziun da la scola obligatorica u la scolaziun sin il stgalim secundar II u sin il stgalim terziar na sto betg avair gì lieu exnum en Svizra. Independentamain da quai ston vegnir agiuntads a la dumonda da natiralisaziun en mintga cas documents en scrit che cumprovan la frequentaziun da la scola u la scolaziun.

#### b) cun test lingiustic

Sche la cumprova linguistica na po betg vegnir furnida sin ina da las vias numnadas qua survart, è necessari in certificat da lingua. En quel sto vegnir constatà che la petenta u il petent ha reussi in test lingiustic, cun il qual las enconuschientschas linguisticas èn vegnidas controlladas almain sin il nivel pretendì. L'examen in rumantsch po vegnir absolvì a Cuira. Indicaziuns davart l'examen cun pussaivladad d'inscripziun sa chattan: <https://fide-service.ch/fr/attestations/rumantsch/>

### Excepziuns da la cumprova

Sch'i dat restricziuns corporalas u spiertalas che impedeschon che las enconuschientschas linguisticas necessarias pon vegnir acquistadas, poi vegnir devià dal tuttafatg u per part da l'adempliment da questa premissa da natiralisaziun. Medemamain po vegnir resguardada ina deblezza marcanta d'emprènder, da leger u da scriver.

La cumprova da la restricziun corporala u spiertala che vegn fatga valair, sto vegnir furnida tras in attest dal medi expressiv e/u eventualmain tras ina decisiun da la AI. La deblezza marcanta d'emprènder, da leger u da scriver sto er vegnir cumprovada.